

UTUMIKI WATHU WA UMAMBO

NTHANDA YA BWINJA YA 2015

NSOLO WA NTHANDA: Fambani Ninga Anthu Andzeru 'Mukuphatisira Mwadidi Ndjidzi Wanu.'—Aef. 5:15, 16.

SUMANA 13 YA BWINJA

Nyimbo 18 na Phembero

Pfundziro Ya Bhibhlya Ya Mpingo:

my nsolo 89, 90 (mph. 30)

Xikola Ya Utumiki Wa Mulungu:

Kuleri Bhibhlyya: 1 Samwele 19-22 (mph. 8)

N.º 1: 1 Samwele 21:10–22:4 (mph. 3 peno zakucepa)

N.º 2: Yesu Ndi Citsandzo Kwa Amuna Acikristu —bh nsolo 14 ¶5-9 (mph. 5)

N.º 3: Thangwi Yanji Anthu Asathabuka —igw tsa. 15 ¶1-4 (mph. 5)

Nsonkhano Wa Basa:

Nyimbo 115

Mph. 10: Fambani Ninga Anthu Andzeru 'Mukuphatisira Mwadidi Ndjidzi Wanu.' Nkhani yakugomezera nsolo wa nthanda.—Aef. 5:15, 16; onani A *Sentinela* ya 15 de Maio de 2012, tsa. 19-20 ndima 11-14.

Mph. 20: "Phatisirani Mwadidi Ndjidzi Wanu Mu Utumiki." Nkhani yakucedza.

Nyimbo 98 na Phembero

Phatisirani Mwadidi Ndjidzi Wanu Mu Utumiki

Nkati mwa caka ca basa ca 2014, Mboni za Yahova zaphatisira midzidzi yakukwana 1.945.-487.604 mu utumiki—kupangiza pakweca kuti tiri akutonga kucita pizinji m'base ya Yahova! (Sal. 110:3; 1 Akor. 15:58) Nakuti 'ndzidzi udasala ndi ung'ono,' kodi pinakwanisika kuphatisira mwadidi midzidzi yathu mu utumiki toera kumwazira mphangwa anthu azinji?—1 Akor. 7:29.

Kuphatisira mwadidi ndzidzi wathu mu utumiki pisaphemba kucinja pintu mwakucimbiza. Mwacitsandzo, khala kazinji kene musamala ndzidzi uzinji mu khundu inango ya utumiki nee kulonga na anthu, kodi munakwanisa kucinja khundu ineyi toera kulonga na azinji? Makhaliro a pisa ndi akusiyana. Natenepa, maonero anatowerera anakwanisa kukuphedzani kuphatisira mwadidi ndzidzi wanu toera kualira 'kumenya mphepo.'—1 Akor. 9:26.

• **Umboni Wa Nyumba-Na-Nyumba:** Mu pyaka pizinji, amwazi mphangwa kazinji kene asatoma utumiki wawo mukumwaza mphangwa nyumba na nyumba. Nakuti azinji asaphata basa namacibese mpaka namaulo, ndye tani kuyesera kumwaza mphangwa nyumba na nyumba namaulo peno n'cidodo, ndzidzi wakuti anthu azinji asagumanika panyumba? Natenepa, kumwaza mphangwa mu nseu peno mbuto za malonda mu ndzidzi wa basa mbapidaphinduli-sa kakamwe.

• **Umboni Wapakweca:** Meza peno karinya pisafunika kuikhwa m'mbuto zinafamba anthu azinji nkati mwa cisa ca mpingo. (Onani *Utumiki Wathu wa Umambo* wa 2013, tsa. 5.) Khala mbuto idasankhulwa toera kupereka umboni wapakweca nee ikupitwabve na anthu azinji, Komiti Yakuyang'a-nira Basa M'mpingo inakwanisa kudinga mwacidikhodikho mbuto inango inapita anthu azinji toera kuikha meza peno kari-nya ineyi.

• **Maulendo Akubwereza Na Mapfundzi-ro a Bhibhlyya:** Mphyakukwanisika kucinjia ndandanda yanu ya maulendo akubwereza na mapfundziro a Bhibhlyya m'midzidzi yakuti makhundu anango a utumiki nee asaphindulisa kakamwe? Mwacitsandzo, khala utumiki wa nyumba na nyumba usa-phindulisa n'Sabudu namacibese, munakwanisa kucitura pfundziro yanu ya Bhibhlyya namaulo peno n'cidodo? Pakucita maulendo akubwereza, kodi amwazi mphangwa anakwanisa kugawana m'misoka ming'ono toera kucita pizinji mu utumiki?

Ndimomwene kuti tisalengesa midzidzi inama ife mu utumiki, mbwenye kutsandzaya kwathu kusathimizirika tingagumana maphindu. Khala khundu inango ya utumiki nee isakuphindulisanu mu ndzidzi udasankhula imwe, yeserani khundu inango. Phembani citsogolero ca Yahova, 'Mwanaciro wa pinafuna kubvunwa' toera mukwanise kuphatisira mwadidi ndzidzi wanu mu utumiki!—Mat. 9:38.

SUMANA 20 YA BWINJA

Nyimbo 3 na Phembero

❑ Pfundziro Ya Bhibhlya Ya Mpingo:

my nsolo 91 (mph. 30)

❑ Xikola Ya Utumiki Wa Mulungu:

Kuleri Bhibhlya: 1 Samwele 23-25 (mph. 8)

N.º 1: 1 Samwele 23:13-23 (mph. 3 peno zaku-cepa)

N.º 2: Kodi Ndi Ipi Pikiro Ya Bhibhlya Thangwi Ya Ntsogolo?—igw tsa. 16 ¶1-3 (mph. 5)

N.º 3: Yesu Ndi Citsandoz Kwa Akazi Acikristu —bh nsolo 14 ¶10-13 (mph. 5)

❑ Nsonkhano Wa Basa:

Nyimbo 97

Mph. 15: “Tinapereka Tani Umboni Mukuphatisira Meza Peno Karinya.” Nkhani yakucedza. Pangizani citsandoz ici: Amwazi mphangwa awiri ali cifupi na karinya peno meza. M’mwazi mphangwa m’bodzi asamwetulira munthu anapita na penepo. M’mwazi mphangwa unango asamwetulira munthu unango munafika iye cifupi, asancita mbvundzo mbatomesa makani mwakugalamuka. Tinaphatisira tani citsandoz ceneci maseze nee tikuphatisira meza peno karinya?

Mph. 15: Midzidzi Yakutsandzayisa. Nkhani yaku-buluswa mu A *Sentinela* ya 15 de Setembro de 2012, tsamba 31-32, ndima 15-19. Longani mwakugalamuka pya nsonkhano wa gawo unaufuna kudza. Kulisani cifuno mukulonga mwanyapantsi pinafuna kudzadingwa toera kuwangisa onsene kuhunganyika nsonkhano mukuphatisira programu inagumanika mu jw.org.

Nyimbo 75 na Phembero

Tinapereka Tani Umboni Mukuphatisira Meza Peno Karinya

Kupereka umboni mukuphatisira meza peno karinya ndi njira yadidi toera kukrewera anthu a mitima yadidi ku undimomwene. (Jwau 6:44) Natenepe, akulu a mpingo asawangiswa toera kukhazikisa masasanyiro a kupereka umboni wapakwe-ca m’mbuto za cisa ca mpingo zakuti zisapita anthu azinji. Nakuti meza peno karinya pisabulusswa mbuto zinaikhwa ipyo, nkhabe funika kuphe-mba mbuto zenezi kwa akulu a mautongi. Mphapo, mbanu athema kucita khundu m’basa ineyi? Amwazi mphangwa a makhaliro akulinganira, a mabvaliro akuthema na a maluso akucedza mwididi. Ntsonga zinatowerera zisapangiza pinafuna kicitwa na kukhonda kicitwa pyakuti pinadzaphedza amwazi mphangwa kukhala akupembera.

Pinafuna Imwe Kucita:

- Khalani auxamwali, citani bweraniko na phe-dzani anthu anapita na pa mbuto ineyi. Amwa-zi mphangwa anango asakhala akugalamuka, akumwetulira mwandimomwene na akumwa-nyika mwauxamwali. Khala munthu unango asayang’ana pa meza peno karinya mu ndzidzi unapita iye, longani mafala ninga awa, “Mu-nakwanisa kukwata inafuna imwe.”
- Lekani kulimira cifupi kakamwe na meza peno karinya. M’mbuto zinango amwazi mphangwa aluso asapembera angathaukira pang’ono meza peno karinya. Anango aona kuti kucita pyenepi kusacitisa anthu anapita na pa mbuto ineyi kunyinyirika kulimira, natenepe asalimira kutali pang’ono mpaka munthu wakupita na pa mbuto ineyi angalimira. Munthu angafe-ndedzera meza peno karinya, yeserani kuce-dza naye, panango kumbvundza, “Kodi mwa-nyerezera kale thangwi ya mbvundzo unoyu?”
- Phatisirani Bhibhlya kazinji kene pingakwani-sika.
- Fokotozani masasanyiro a kupfundza Bhibhlya na munthu onsene anakwata ibodzi mwa ma-bukhu athu a pfundziro, ninga bukhu *Biblya Isapfundzisanji*. Pangizani vidyu *Thangwi Yanji Tisafunika Kupfundza Bhibhlya?* mu ntci ni wanu wandzeru peno ntokodzi wa m’manja.
- Pingakwanisika, phembani numero ya ntokodzi kuna munthu adapangiza cifuno. Khala munthu unoyu nee asakhala n’cisa canu, lembani pa formularyo *Queira Visitar* (S-43) na kuipere-ka mwakucimbiza kuna mulembi wa mpingo.

Pinafuna Kukhonda Imwe Kucita:

- Kukhala waukali, wakukakamiza, peno kulimira cifupi kakamwe na meza peno karinya ninga nsupayi.
- Kuona masasanyiro anewa a maperekero au-mboni ninga njira yakugawira mabukhu basi. Tingakhala mu utumiki, tisafunika kucita pyon-sene pinakwanisa ife toera kucedza na munthu onsene anafika pa mbuto ineyi, thangwi cifuno cathu ndi kutomesa mapfundziro a Bhi-bhlya.
- Kukhala kutsogolo kwa meza peno kwa karinya peno kucedza kakamwe na m’mwazi mphangwa ndzanu. Khala mwamenyerwa ntokodzi, mphydidi kubuluka pang’ono pa mbuto iri na meza peno karinya.
- Kuketesana na anyakupokanya. Khala anyaku-pokanya asalonga mwakupwaza, mphydidi kubuluka pa mbuto ineyi kwenda mbuto inango.

SUMANA 27 YA BWINJA

Nyimbo 1 na Phembero

❑ Pfundziro Ya Bbibhlya Ya Mpingo:

my nsolo 92 (mph. 30)

❑ Xikola Ya Utumiki Wa Mulungu:

Kuleri Bbibhlya: 1 Samwele 26-31 (mph. 8)

Kubwerezera Kwa Xikola Ya Utumiki Wa Mulungu (mph. 20)

❑ Nsonkhano Wa Basa:

Nyimbo 66

Mph. 7: "Acemereni." Mibvundzo na matawiyo. Pakudinga ndima 3, pangizani mwacigwagwa citsandzo cakutu tingagawira tani micemerero.

Mph. 10: "Pikumbuso Pya Nsonkhano Wa Gavo." Nkhani yakucitwa na mulembi. Gomezerani midida ya Bbibhlya inafokotozwa na inaphatisirwa tani mu ndzidzi wa nsonkhano wa gavo wa 2015. Pontho fokozani ntsonga zinagumanika mu tsamba ya ku mipingo yonsene ya 3 de Agosto de 2013, inalonga thangwi ya pitsogole-ro pyakutitsidzikiza mu ndzidzi wa nsonkhano.

Mph. 13: "Bvekesani Mphambvu Ya Mafala a Mulungu Mu Utumiki Wanu." Nkhani yakucedza. Buluka penepo pangizani citsandzo ca makhundi mawiri. Yakutoma, m'mwazi mphangwa asacedza na mwanaciro nyumba mbakaphatisira bruxura *Mphangwa Zadidi* na asalonga lemba ya 2 Timoti 3:16, 17, mwakukhonda fungula Bbibhlya. Yaciwiri, m'mwazi mphangwa asacedza pontho na mwanaciro nyumba, mbwenye pa ule-ndo unoyo asaleri lemba ineyi m'Bbibhlya. Phe-mbanji anyakubvesera toera alonge kuti thangwi yanji khundi yaciwiri ndi yakuphindulisa kakamwe.

Nyimbo 124 na Phembero

Kubwerezera Kwa Xikola Ya Utumiki Wa Mulungu

Mibvundzo inatowerera iyi inadzadingwa pa Xikola Ya Utumiki Wa Mulungu nkati mwa sumana inatoma pa ntsiku 27 ya Bwinja 2015. Ntsiku inafuna kudingwa ntsonga ibodzi na ibodzi yaikhwa toera kutiphedza pakukhunganyika xikola ya sumana ibodzi na ibodzi.

1. Kodi ufuni wandimomwene ninji na usafunika makamaka m'makhundi api a umaso? (Rute 1:16, 17) [2 ya Mur. w12-T 1/7 tsa. 26 ndima 6]

2. Kodi Rute akwanisa tani kukhala na makhaliro a "nkazi wadidi"? (Rute 3: 11) [2 ya Mur. w12-T 1/10 tsa. 23 ndima 1]
3. Tingathimbana na nyatwa, tinatoweze-ra tani citsandzo ca Yana? (1 Sam. 1:16-18) [9 ya Mur. w07-T 15/3 tsa. 16 ndima 4-5]
4. Mukhakula Samweli 'pamaso pa Ya-hova,' ninji cidantsidzikiza ku pinthu pyakuipa pikhacita ana a Eli? (1 Sam. 2: 21) [9 ya Mur. w10-T 1/10 tsa. 16 ndima 2-3]
5. Ndi munjira ipi tinakwanisa kuphi-ndula na ntawiro wadidi wa Sauli kwa 'amuna akusowa ndzeru' adakhonda umambo wace? (1 Sam. 10:22, 27) [23 ya Mur. w05-T 15/3 tsa. 23 ndima 1]
6. Tinapfundzanji kubulukira m'maone-ro akuphonyeka a Sauli akuti ntsembe ndi yakufunika kakamwe piringana ku-bvera Yahova? (1 Sam. 15:22, 23) [30 ya Mur. w07-T 15/6 tsa. 26 ndima 3-4]
7. Thangwi yanji ndi pyakubalangaza ku-dziwa kuti Yahova 'asaona muntima' mwa munthu? (1 Sam. 16:7) [6 ya Bwin. w10-T 1/3 tsa. 23 ndima 7]
8. Mwakubverana na Misangani 1:4, ndi pinthu pipi piri na ife pyakuti Yahova asadikhira kuti tipiphatisire tingathim-bana na makhaliro akunentsa? (1 Sam. 21:12, 13) [13 ya Bwin. w05-T 15/3 tsa. 24 ndima 4]
9. Thangwi yanji tinakwanisa kulonga kuti Abigayeli nee akhapandukira utongi wa mamunace mudapasa iye ca-kudya Dhavidhi na anyankhondo ace? (1 Sam. 25:10, 11, 18, 19) [20 ya Bwin. w09-T 1/7 tsa. 20 ndima 3]
10. Tinapfundzanji kubulukira ku citsa-ndzo ca Abigayeli cakuphemba kulekererwa thangwi ya cinthu cida-khonda cita iye? (1 Sam. 25:24) [20 ya Bwin. w02-T 1/11 tsa. 5 ndima 1, 4]

Acemereni

¹ Khala musafuna kukhunganya cakudya cakupambulika kwa acibale peno axamwali anu, cakuti cisaphemba kuwangisira kakamwe na kobiri izinji, pyenepi mbipidakucitisani kucemera mwakugalamuka. Munjira ibodzi ene, basa izinji isacitwa toera kukhunganya phwando yauzimu inafuna kudzacitwa pa nsonkhano wa gawo. Masumana matatu mbudzati kuto-ma nsonkhano wa gawo, Yahova asatipasa mwai wakucemera anthu anango toera adzagumanikembo. Ninji pinafuna kutiphedza toera kudzacita basa ineyi mwakugalamuka?

² Tinganyerezera cipfundziso cakutsandzayisa cinaperekah Yahova m'misonkhano ya gawo, tinadzakulumizika toera kucita khundu mwakukwana mu kampanya ineyi. (Iza. 65:13, 14) Tisafunika kukumbukambo kuti makampanya athu a pacaka asabweresa maphindu mazinji. (Onani bokosi "Pisabweresa Maphindu.") Anthu anango anafuna cemera ife anadzagu-

1. Kodi inatoma lini kampanya yakucemera anthu toera adzagumanike pa nsonkhano wa gawo?
2. Ninji pinafuna kudzatikulumiza toera kucita khundu mwakukwana mu ndzidzi wa kampanya?

Pisabweresa Maphindu

- Mu pyaka pizinji nduli, mulongo unango akhacita khundu mu kampanya yakugawira micemerero, pontho abvundzika khala kuwangisira kwace mbukudabwera-sa maphindu. Iye anyerezera, 'Kodi anthu anacemera ine anadzabwera ku nsonkhano?' N'sabudu inango namacibese pa nsonkhano wa gawo, iye aona mamuna wauphemberi Waciindya wakuti akhakhalia cifupi na iye, mbawanyika. Pisaoneka kuti mamuna unoyu akhali pa nsonkhano thangwi akhadatambira ubodzi mwa micemerero yathu. Iye akhali na mibvundzo mizinji yakuti mulongo aitawira mwaluso. Mamuna unoyu alonga kuti atsandzaya kakamwe na programu, pontho adzumatiwra kakamwe na mabvaliro na makhaliro a abale na alongo. Mntsiku ibodzi ene, mulongo akhala cifupi na banja inango mbatomesa makani. Iwo atambirambo ncemero na akhadabwera

Munadzalonganji? Pakumala kumwanyika, munakwanisa kulonga: "Tikucita khundu mu kampanya yakuti ikucitwa pa dziko yonsene toera kucemera anthu kuti agumanike pa cakutikita cakufunika kakamwe. Ntsiku, ndzidzi na mbuto pyalembwa mu ncemerero uyu."

manika pa nsonkhano, mbwenye anango nkhabé. Mwakukhonda tsalakana pyenepi, kuwangisira kwathu mu ndzidzi wa kampanya kusapasa mbiri Yahova na kupangiza kupasa kwace mwakudzala manja.—Sal. 145:3, 7; Apok. 22:17.

³ Misoka ya akulu a mpingo isafunika kudunga kuti anagawira tani micemerero mwakukwana, kuphatanizambo khala isafunika kusiyiwa m'manyumba munakhonda kugumanika anthu peno kuiphatisira mu umboni wapakweca n'cisa cawo. Pakumala kwa sumana mare-vista anakwaniswambo kugawirwa pabodzi na micemerero khala mphyakuthema. Kampanya ingamala, pinadzakhala pyakutsandzayisa tani kudziwa kuti tacitambo khundu mwakugalamuka, pontho anthu azinji agumanikambo pa phwando yauzimu idatipasa Yahova!

3. Kodi micemerero inadzagawirwa tani?

pa nsonkhano unoyu na maximbombo. Iwo atsandzaya kakamwe na nsonkhano, pontho acita masasanyiro toera kugumanika pontho n'Dimingu. Pyenepi pyacitisa mulongo kuona kufunika kwa kampanya yathu ya pacaka.

- Pa nsonkhano wa gawo udamala, banja ibodzi yakuti ndi apainiya a ndzidzi onse-ne atoma kucedza na banja inango yakuti ndi yakugwesera. Banja ineyi yalonga kuti unoyu ukhali ulendo wakutoma kugumanika pa nsonkhano wa gawo. Apainiya abvundza, "Mbani adakucemeroni?" Iwo atawira, "Pidafika ife kunyumba ntsiku inango, tagumana ncemerero pantsi pa nsuwo." Iwo aleri ncemerero, mbalembe kuntsi kwa ncemerero toera kupita ncibverano na Mboni za Yahova. Abale na alongo anango apasa cakudya banja ineyi. Iwo atsandzaya kakamwe na programu, mba-cita masasanyiro akubwerera pontho mangwana mwace. Masasanyiro acitwa toera kaacedzera na kukulisa cifuno cawo.

Pikumbuso Pya Nsonkhano Wa Gawo

- **Midzidzi Ya Nsonkhano:** Misuwo inadzafungulwa pa ndzidzi 7:00 wakumacibese. Mu ntsiku zitatu za nsonkhano, nyimbo zamalimba zinatoma pa ndzidzi 8:20. Pa ndzidzi unooyu, tonsene tisafunika tikhale m'mipando yathu toera nsonkhano utome munjira yakulemedzeka. N'Cixanu na n'Sabudu, programu inadzamala pa ndzidzi 3:55 wakumaulo, mbwenye n'Dimingu inadzacitwa pa ndzidzi 2:45 wakumaulo.
- **'Kusimba Yahova Mukuimba Nyimbo':** Atumiki a Mulungu asasimba Yahova kutomera kale, pontho nyimbo zisapitiriza kukhala zakufunika kakamwe mu ulambiri wandimomwene lero. (Sal. 28:7) Makhundu onsenet a nsonkhano wathu asatoma na nyimbo zamalimba. Nyimbo zenezi nee zakhunganywa basi ene toera kubvesera, mbwenye kupfundza pya Yahova na kumulambira. Natenepa, muimiriri wa nsonkhano angalonga kuti nyimbo zamalimba zisafuna kutoma, ndi ndzidzi wakukhala pantsi toera kupangiza kupereka takhuta thangwi ya masasanyiro anewa, mbuto mwakupitiriza na kucedza. Kucita pyenepi kunapangiza kuti tisapasa nteango kuwangisira kunacita kwa abale na alongo anacita nyimbo zenezi. Kawiri pa caka abale na alongo anewa asaenda ku Patterson, Nova York mukuphatisira kobiri zavo toera kacita nyimbo zakubalika na zakutitsandzayisa. Pakumala kubvesera nyimbo zamalimba, munthu onsenet asafunika kusimba Yahova mukuimba nyimbo zathu Zaumambo.
- **Pakuikha Miotokala:** Pa mbuto zonse ne za nsonkhano wa gawo zinatawirinswa ife kuikha miotokala, ale akuti ali na miotokala yawo anadzaikha mwakukhonda lipa mwakubverana na ndzidzi unafika iwo. Nakuti mbuto zakuikha miotokala ndi zakucepa, pinakhala pyadidi anthu azinji kuphatisira motokala ubodzi ene pingakwanisika.
- **Kukoya Mbuto Zakukhala:** Misuwo ingafungulwa namacibese, taphata miyendo, lekani kuthamanga toera kusankhula mbuto zadidi zinafuna imwe ninda kuti mukupikisana na andzanu. Ntima wakudzimana usatikulumiza toera kuikha patsogolo udidi wa anango, pyenepi pisapangiza kuti ndife Akristu andimomwene, pontho pisakulumiza anyakutiona toera kusimba Mulungu. (Jwau 13:34, 35; 1 Akor. 13:4, 5; 1 Ped. 2:12) Munakwanisa kukoyerwa mbuto basi ene ale anaenda na imwe m'motokala ubodzi ene, ale anakhala na imwe panyumba ibodzi ene peno ale anacitira imwe pfundziro ya Bbibhlya. Taphata miyendo lekani kuikha pinthu pa mipando yakuti nee mukuikhala. Kubvera kwanu citsogolero ceneci kunadzacitisa anango toera kukhala pa mipando ineyi. Mbuto zinango zakoyerwa ankhalamba na anyakulamala. Nakuti mbuto zenezi ndi zakucepa, munthu m'boldzi peno awiri basi adasankhulwa toera kuonera nkhalamba peno nyakulamala, anakwanisa kukhala naye pabodzi.
- **Mabvaliro Akuthema:** Mabvaliro athu pa nsonkhano wa gawo asafunika kukhala akuthema, tayu kupangiza mabvaliro a dziko. (1 Tim. 2:9) Ngakhale pa ndzidzi unafika ife pa oteli na unabuluka ife, ndzidzi unacedza ife nsonkhano mbudzati toma peno pakumala kwa nsonkhano tisafunika kucalira mabvaliro akukhonda thema. Mphyadidi kubvala makaraxa mbatikhonda khala na manyadzo kupereka umboni tingakhala na mwayi. Tingabvala mwakuthe ma na kukhala na makhaliro adidi pa nsonkhano wa gawo unafuna kudza, pinadzatundusa anthu a mitima yadidi kubvesera mphangwa za Bbibhlya zakupuluma umaso, pontho pinadzabwresa mbiri kuna Yahova.—Sof. 3:17.
- **Kupangiza Cilemedzo Pakuphatisira Mitcini Ya Ndzeru Na Mitokodzi:** Tisapangiza cilemedzo nkati mwa programu mukubweza volume ya mitokodzi na mitcini inango toera tikhonde

kudzudzumisa anango. Tingaphatisira ntcini wakubulusa mafoto, wakugravari, peno mitcini yandzeru tisafunika kucalira kipingiza anango. Tisapangizambo cilemedzo mu kakhonda kulemba mphangwa mu ntokodzi peno kutumiza nkati mwa programu.

■ **Cakudya Camasikati:** Taphata miyendo bweresani cakudya canu camasikati kuti mukhonde kusiya mbuto ya nsonkhano toera kuenda kasaka cakudya pa ndzidzi wakupuma. Munakwanisa kuphatisira sestu ing'ono yakuti inakwana pantsi pa mpando wanu. Nkhabe tawiriswa kuphatisira masestu makulu anaphatisira ife pa kaphwando na acibale peno pyombo pya vidru pa mbuto ya nsonkhano wa gavo.

■ **Pyakupereka:** Tinakwanisa kupangiza kupereka takhuta mukucita pyakupereka pyathu mwafulu pa nsonkhano wa gavo toera kuphedza basa ya dziko yonsene yapantsi. *Cheque* zonsene zisafunika kulembwa mu dzina ya “Associação das Testemunhas de Jeová de Moçambique.”

■ **Mitombwe:** Khala mwalemberwa mitombwe na dotoro toera kumwa, taphata miyendo lekani kuiduwala, thangwi pa nsonkhano wa gavo nkhabé kudzagumanika mitombwe.

■ **Ntsapato:** Mphyadidi kusankhula ntsapato zakuthema, zakukwana mwadi di zakuti zinadzakuphedzani toera kufamba mwadidi.

■ **Formularyu Queira Visitar (S-43):** Tisafunika kuphatisira formularyu *Queira Visitar* (S-43) toera kulemba mphangwa za onsene adakomerwa na umboni wantsusukano udaperekira ife nkati mwa nsonkhano wa gavo. Munakwanisa kupereka maformularyu akulembwa ku Mbuto Inakoyerwa Mabukhu peno kuna mulembi wa mpingo wanu munagbwerera ku nsonkhano.

■ **Restauranti:** Pasani mbiri dzina ya Yahova kubulukira ku makhaliro anu adidi pa marestauranti. Bvalani munjira inapangiza kuti ndimwe Nkristu. Si-

mbani anyabasa a mu restauranti inafika imwe.

■ **Masasanyiro A Mbuto Zakugona:** Ntsiku ya nsonkhano mbidzati kufika, Departamentu Ya Masasanyiro A Mbuto Zakugona isatoma kuphata basa toera kucita masasanyiro a kutsalakana onsenne anaphembba pakugona. Masasanyiro anewa asathimizira kutsandzaya kwa kukhala pabodzi ninga Akristu. Mbwenye, kudziwa kuti pinthu pyonsene pisafunika pifambe ‘mwakundendemera,’ ponho kuti pyenepi pisaphataniza ukhali wadidi wa anango, pasafunika pikumbuso pingasi. Ale akuti ndi alendo panyumba za abale asafunika kukomerwa na pire pinapaswa iwo ponho kubverana mu pinthu pinaphembwa iwo. Ponho, citani pyonsene toera musiye kwartu yakucena ntsiku zonsene mbamudzati kuenda ku nsonkhano, ponho pakupanga na toera kubwerera kunyumba. Kukhala mulendo panyumba ya m'bale nkhabé malisa basa yathu yakusaka pyakudya pyathu pyene na motokala wa kuenda nawo ku nsonkhano. Natenepa, m'bodzi na m'bodzi asafunika kucita masasanyiro ace. Kubverana na kubvesesa kwanu mu pinthu pyenepi kundazacitisa mwanaciro nyumba kupangiza khodzo yace mwakufuna, tayu mwakukakamizika. Midida ineyi isaphatisirwambo kwa ale anafikira pa mbuto ya nsonkhano. Iwo asafunika kubverana na akalindi toera kusiya mbuto ya nsonkhano wa gavo yakucena ntsiku zonsene.—1 Akor. 14:40, *Chiverano Chachinchino*.

■ **Basa Yakuperekaka:** Munthu onsene anafuna kuphedza asafunika kulonga na Departamentu ya Basa Yakuperekaka pa nsonkhano wa gavo. Ana akukhonda kukhala na pyaka 16, anakwansambo kuphedza mwadidi mukuphata basa cifupi na anyakubalawo, cifupi na nyakuonera peno cifupi na munthu wathunga adatawiriswa na anyakubala toera kuaonera.

Bvekesani Mphambvu Ya Mafala a Mulungu Mu Utumiki Wanu

Khala munthu atitawirisa kucedza naye pya mphangwa zadidi, tinaphatisira mwai unoyu toera kubvekesa mphambvu ya Mafala a Mulungu mu kuleri Bhibhlya. Pyenepi ndi pidagomezerwa pa nsonkhano wakupambulika wa caka cidamala. Muyang'aniri wa cisa acita nkhani ya nsolo wakuti "Bvekesani Mphambvu Ya Mafala a Mulungu Mu Utumiki Wanu." Kodi musakumbuka ntsonga zingasi?

- Thangwi yanji mafala a Yahova ndi amphambvu kakamwe kupiringana athu?—2 Tim. 3:16, 17.

- Ndi munjira ipi Bhibhlya isacinja mabvero, manyerezero, pifuno na kutsogolera makhaliro athu?—Onani *A Sentinela* ya 15 de Junho de 2012, tsa. 27, ndima 7.
- Tingaleri lemba kuna munthu mu utumiki, tinancitisa tani toera alemedze Mafala a Mulungu?—Onani bukhu *Escola do Ministério*, tsa. 148, ndima 3-4 na *Utumiki Wathu wa Umambo wa Murope 2013*, tsa. 6, ndima 8.
- Thangwi yanji mphyakufunika kufokotoza na kudinga mwacidikhdikho malemba analeri ife, pontho tinacita tani pyenepi?—Mach. 17: 2, 3; onani bukhu *Escola do Ministério*, tsa. 154, ndima 4 mpaka tsa. 156, ndima 5.

SUMANA 4 YA GONKHO

Nyimbo 68 na Phembero

❑ Pfundziro Ya Bhibhlya Ya Mpingo:

my nsolo 93 (mph. 30)

❑ Xikola Ya Utumiki Wa Mulungu:

Kuleri Bhibhlya: 2 Samwele 1-3 (mph. 8)

N.º 1: 2 Samwele 2:24-32 (mph. 3 peno zaku-cepa)

N.º 2: Yezu Ndi Citsandzo Kwa Anyakubala Aci-kristu—bh nsolo 14 ¶14-16 (mph. 5)

N.º 3: Mapikiro a Bhibhlya Akuti Anadzakwani-risika Cincino —igw tsa. 16 ¶4—tsa. 17 ¶1 (mph. 5)

❑ Nsonkhano Wa Basa:

Nyimbo 43

Mph. 10: Pyakufuna Pyapampingo. Munakwanisa kuphataniza citsandzo ca kugawira marevista.

Mph. 5: Kugawira Marevista mu nthanda ya Gonkho na Khoni. Nkhani yakucedza. Dingani marrevista anafuna kudzagawirwa. Phatanizani citsandzo.

Mph. 15: Kumwaza Mphangwa Mu Cisa Cakutti Nee Cisaphatwa Basa Kazinji Kene—Kuphatisira Mwadidi Ndjidzi! Nkhani yakucedza yakucitwa na nkulu wa mpingo, pingakwanisika ule adamwaza mphangwa mu cisa cakutti nee cisaphatwa basa kazinji kene. Pangizani vidyu *Pregação em Territórios Isolados—Austrália*. (Pitani mu jw.org, ponrho onani pa QUEM SOMOS > ATIVIDADES.) Longani maphindu adakhala na banja idalongwa mu vidyu thangwi kumwaza mphangwa mu cisa cakutti nee cisaphatwa basa kazinji kene. Bvundzani m'bale peno mulongo wa m'mpingo wakuti atumikira ku cisa cakutti nee cisaphatwa basa kazinji kene. Kodi basa ineyi yaphedza tani banja yawo, utumiki wawo na umaso wawo wauzimu? Ndi ntundu wanji wa macinjo udacita iwo? Khala unango asafuna kumwaza mphangwa mu cisa cakutti nee cisaphatwa basa kazinji kene, akulu a mpingo anadzatsandzaya kumphedzera. Gomezerani kuti kumwaza mphangwa mu cisa cakutti nee cisaphatwa basa kazinji kene ndi njira yadidi kakamwe toera kuphatisira mwadidi ndjidzi wathu. Pingakhonda kwanisika kupangiza vidyu pa nkundu ino, iciteni ninga nkhani mukuphatisira tsamba ya ku mipinga yonsene ya 1 de Julho de 2014 inalonga pya kutumikira mbuto zakuti ziri na kufuna kulkulu kwa amwazi mphangwa. Wangisanzi amwazi mphangwa toera kuphata basa n'cisa ca mpingo cawo cakutti nee cisaphatwa basa kazinji kene peno kucita phembo ku ofesi ya filiali. Buluka penepo, m'bale anadzacita mibvundzo ninga pidalongwa padzulu."

Nyimbo ipswa N.º 139 na Phembero

Kumbukani: Taphata miyendo, bveserani nyimbo yamalimba yonsene kabodzi, buluka penepo mpingo usafunikambo kuimba nyimbo ineyi ipswa.

Pidziwiso

■ Mabukhu anafuna kugawirwa mu nthanda ya **Bwinja 2015:** Marevista a *Ncenjezi na Despertai! Gonkho na Khoni 2015:* Kodi Mwandumomwene Bhibhlya Isapfundzisanji? peno tratado Kodi Musafuna Kudziwa Undimomwene? na matratado anango onseno mapswa anagumanika pa mpingo. **Maluwa na Malimwe 2015:** *Mphangwa Zadidi Za Mulungu!* peno ibodzi mwa mabruksura awa a matsamba 32: *Bverani Mulungu toera Mukhale Kwenda na Kwenda; Bverani Mulungu; Munakwanisa Kukhala Xamwali Wa Mulungu!;* Verdadeira Fé—O Segredo de uma Vida Feliz (yacitirwa Mamusulumano).

Maperekero Aumboni

NCENJEZI 1 ya Gonkho

WAKUDIZWISA UMAMBO WA YAHOA

"Mbamudakhala na mphambvu yakumalisa ibodzi mwa nyatwa za n'dziko ino, mbamudamalisa ipi? [Dikhirani ntawiro.] Mwakubverana na Bhibhlya, Mulungu anadzamalisa nyatwa ineyi na zinango cincino. [Sankhulanzi lemba yakubverana na nkhani ineyi, ninga Danyele 2:44; Misangani 2:21, 22; Mateo 7:21-23; peno 2 Pedro 3:7.] Revista iyi ya *Ncenjezi* isafokotoza ndjidzi, ponrho kuti Mulungu anadzacita tani macinjo anewa pa dziko yapantsi."

Despertai!® de Maio

"Kodi musanyerezera kuti tinadzakhala n'dziko yakuti anthu anadzakhala na nyumba zadidi nee kuthabuka na utcerengi? [Dikhirani ntawiro.] Tapfata miyendo, onani pikiro idacita Mulungu kwa anthu pa nkhani ineyi. [Lerini Izaiya 65: 21-22.] Revista iyi ya *Despertai!* isafokotoza kuti Mulungu anadzakwanirisa tani mapikiro ace kwa anthu na tinakwanisa tani kucita khundu m'mapikiro anewa."

Ntsonga Zikulu za Basa ya M'Munda

Nkati mwa nthanda ya Malandalupya ya 2014 mpingo mizinji ya mu nzinda na cigawo ca Maputo yacita khundu mu kampanya yakupambulika yakugawira mabruksura na matratado a cilongero ca Cironga. Abale na alongo awangisira kakamwe toera kumwaza mphangwa kuna anthu anewa analonga Cironga. Anthu azinjii a mu pisa pyakuhonda phatwa basa na pyakuti nee pisaphatwa basa kazinji kene akhala na mwai wakubva mphangwa za Umumbo pa ulendo wakutoma. Pikwi na pikwi pya mabruksura na matratado agawirwa kwa akhala a pisa pyenepi. Nakuti Yahova akupasa nkhombo basa ineyi inacitwa mwaphinga, tiri akutsandzayambo kukudziwisani numero ipswa ya amwazi mphangwa akupiringana midzidzi yonsene akukwana 56.682 mu nthanda ya Malimwe ya 2014. —1 Tim. 2:4.



km1504-SEN MZ
150102